

ქობულეთის მუნიციპალიტეტის
საგანგებო შტაბის
დებულება

მუხლი 1. ზოგადი დებულებანი

1.1. საგანგებო შტაბი (შემდგომში – შტაბი) არის საგანგებო სიტუაციების მართვის ერთიანი სისტემის ადგილობრივი თვითმმართველობის მაკოორდინირებელი ორგანო, რომელიც მოწოდებულია სამოქალაქო თავდაცვისა და საგანგებო სიტუაციების თავიდან აცილების ღონისძიებათა ორგანიზებისა და შესრულებისათვის, საგანგებო სიტუაციის წარმოქმნის ან ომის შემთხვევაში – მისი შედეგების ლიკვიდაციის, მოსახლეობისა და ტერიტორიის დაცვის უზრუნველყოფის, გარემოს დაცვისა და ეროვნული მემკვიდრეობის სფეროში ზარალის მინიმუმამდე დასაყვანად.

1.2. შტაბი თავის საქმიანობაში ხელმძღვანელობს საქართველოს კონსტიტუციით, „ადგილობრივი თვითმმართველობის შესახებ“ საქართველოს ორგანული კანონით, „ბუნებრივი და ტექნოგენური ხასიათი საგანგებო სიტუაციებისაგან მოსახლეობისა და ტერიტორიის დაცვის შესახებ“ საქართველოს კანონით, „ბუნებრივი და ტექნოგენური ხასიათის საგანგებო სიტუაციებზე ეროვნული რეაგირების გეგმის დამტკიცების შესახებ“ პრეზიდენტის 2008 წლის 26 აგვისტოს №415 ბრძანებულებით, „საგანგებო სიტუაციებზე რეაგირების ძალების წესდების დამტკიცების შესახებ“ საქართველოს მთავრობის 2010 წლის 4 ივნისის №153 დადგენილებით, საქართველოს კანონებით, საქართველოს პარლამენტის გადაწყვეტილებებით, საქართველოს პრეზიდენტის ბრძანებულებებითა და განკარგულებებით, აგრეთვე ამ დებულებით.

1.3. მოსახლეობის, ტერიტორიის, ეკონომიკისა და გარემოს დაცვის საკითხებში შტაბი თავის საქმიანობას ახორციელებს ეკონომიკის ობიექტების ადმინისტრაციასთან, საზოგადოებრივ ორგანიზაციებთან და მათ სტრუქტურულ ერთეულებთან მჭიდრო ურთიერთკავშირში.

შტაბის გადაწყვეტილებების შესრულება სავალდებულოა მის სამოქმედო ტერიტორიაზე განთავსებული ყველა საწარმოსათვის, ორგანიზაციისათვის, დაწესებულებებისათვის, მიუხედავად მათი ორგანიზაციულ-სამართლებრივი და საკუთრების ფორმისა, აგრეთვე მოსახლეობისათვის.

მუხლი 2. შტაბის ფუნქციები და ამოცანები

შტაბის ძირითადი ამოცანებია:

2.1. სამოქალაქო თავდაცვის, საგანგებო სიტუაციების თავიდან აცილებისა და მისი შედეგების ლიკვიდაციის, აგრეთვე პოტენციურად საშიში ობიექტების (ომის) საგანგებო სიტუაციების პირობებში საიმედო მუშაობის უზრუნველყოფის ღონისძიებების ორგანიზება და შესრულების კონტროლი;

2.2. გარემოსა და პოტენციურად საშიში ობიექტების მდგომარეობაზე დაკვირვებისა და კონტროლის ორგანიზება;

2.3. მართვის ორგანოების, ძალებისა და საშუალებების საგანგებო სიტუაციებში მოქმედებისათვის მზადყოფნის უზრუნველყოფა, აგრეთვე მართვის პუნქტების შექმნა და მზადყოფნის მდგომარეობაში შენარჩუნება;

2.4. ნორმატიული სამართლებრივი აქტების შემუშავების ორგანიზება საგანგებო სიტუაციებისაგან მოსახლეობისა და ტერიტორიის დაცვის სფეროში;

2.5. მონაწილეობის მიღება მიზნობრივი და სამეცნიერო-ტექნიკური პროგრამების შემუშავებასა და განხორციელებაში, საგანგებო სიტუაციების თავიდან აცილებისა და მისი შედეგების ლიკვიდაციის პროგრამების შემუშავების და რეალიზაციის ორგანიზება;

2.6. ფინანსური და მატერიალური რესურსების რეზერვების შექმნა;

2.7. ურთიერთმოქმედება სხვა შტაბებთან, სამხედრო სარდლობასთან და საზოგადოებრივ ორგანიზაციებთან სს-ის თავიდან აცილებისა და მისი შედეგების ლიკვიდაციის საკითხებში, ხოლო საჭიროების შემთხვევაში – გადაწყვეტილების მიღება სს-ის შედეგების ლიკვიდაციისათვის სხვა შტაბებისათვის დახმარების აღმოსაჩენად ძალებისა და საშუალებების გაგზავნის შესახებ;

2.8. საგანგებო სიტუაციების შედეგების ლიკვიდაციის სამუშაოების ხელმძღვანელობა და ამ სამუშაოებში შრომისუნარიანი მოსახლეობის ჩაბმის ორგანიზება;

2.9. მოსახლეობის ევაკუაციის, ევაკუირებული მოსახლეობის განთავსების, სს-ის შედეგების ლიკვიდაციის შემდეგ მათი მუდმივ საცხოვრებელ ადგილებში დაბრუნების დაგეგმვა და ორგანიზება;

2.10. ინფორმაციის შეგროვებისა და გაცვლის ორგანიზება საგანგებო სიტუაციებისაგან მოსახლეობისა და ტერიტორიის დაცვის სფეროში;

2.11. მოსახლეობის, მართვის ორგანოების თანამდებობის პირების და ქვედანაყოფების საგანგებო სიტუაციებში მოქმედებისათვის მომზადების ხელმძღვანელობა.

2.12. სს-ის სალიკვიდაციო სამუშაოების მასშტაბებიდან გამომდინარე არასაკმარისი სამაშველო ძალებისა და ტექნიკის მობილიზების მიზნით განაცხადების მომზადება და წარდგენა ზემდგომ ინსტანციებში.

2.13. დახმარების სახით მიღებული ჰუმანიტარული ტვირთის აღრიცხვა და მისი დანიშნულებისამებრ განაწილებაში მონაწილეობის მიღება.

2.14. დასახმარებლად შემოსული სამაშველო ძალებისა და საშუალებების რაციონალური განაწილება სს-ის სალიკვიდაციო სამუშაოების ჩასატარებლად და მათი მუშაობის კოორდინირება.

მუხლი 3. შტაბის მიერ ჩასატარებელი ძირითადი ღონისძიებები

3.1. საქმიანობის ყოველდღიური რეჟიმი:

გარემოს, პოტენციურად საშიშ ობიექტებისა და მის მიმდებარე ტერიტორიის მდგომარეობაზე ზედამხედველობისა და კონტროლის ორგანიზება;

მიზნობრივი და სამეცნიერო-ტექნიკური პროგრამების დაგეგმარება და განხორციელება – მოსალოდნელი საგანგებო ვითარებების პროგნოზირების, მოსახლეობის უსაფრთხოებისა და დაცვის უზრუნველყოფის, შესაძლო დანაკარგებისა და ზარალის შემცირების, ასევე საგანგებო სიტუაციებში ეკონომიკის ობიექტების ფუნქციონირების მდგრადობის ამაღლების სფეროში;

საგანგებო სიტუაციების შემთხვევაში თავდაცვისა და მოქმედების საკითხებში მოსახლეობის მომზადება, სათანადო მართვის ორგანოების, ძალებისა და საშუალებების მომზადების სრულყოფა;

მოსალოდნელი საგანგებო ვითარების თავიდან აცილების ან მისი შედეგების შემცირების მიზნით საშიშ ობიექტებზე და კომუნიკაციებზე ხელმძღვანელობის კვლევითი სწავლების ჩატარება და მიღებული შედეგების პერიოდულად განხილვა–შეფასება;

მოსალოდნელი საგანგებო სიტუაციების შედეგების ლიკვიდაციისათვის ფინანსური და მატერიალური რეზერვების შექმნა.

3.2. საგანგებო სიტუაციის რეჟიმი:

მოსახლეობის შეტყობინებისა და დაცვის ორგანიზება;

შტაბის ოპერატიული ჯგუფის გადაადგილება სს-ის ზონაში;

საგანგებო სიტუაციის შედეგების ლიკვიდაციის ორგანიზება;

სს-ის ზონის საზღვრების განსაზღვრა;

მოსახლეობის სასიცოცხლო უზრუნველყოფის ორგანიზება;

სისტემატიური კონტროლის განხორციელება გარემოს, ავარიული ობიექტებისა და მისი მიმდებარე ტერიტორიის მდგომარეობაზე;

რაიონული სამორიგო-სადისპეჩერო სამსახურების მუშაობის გაძლიერება;

შექმნილი საგანგებო ვითარების შემდგომი განვითარებისა და მისი მასშტაბების პროგნოზირება;

გარემოს, მოსახლეობისა და ტერიტორიის დაცვის უზრუნველსაყოფად გადაწყვეტილებების მიღება, ასევე ეკონომიკის ობიექტების ფუნქციონირების მდგრადობის უზრუნველსაყოფად ღონისძიებების გატარება;

რაიონის ძალებისა და საშუალებების მზადყოფნაში მოყვანა, მოქმედების გეგმების დაზუსტება, საჭიროების შემთხვევაში მათი სს-ის ზონაში გადაადგილების ორგანიზება.

მუხლი 4. შტაბის უფლებამოსილებანი

4.1. თავის კომპეტენციის ფარგლებში იღებს გადაწყვეტილებებს, რომელიც საკვლევებულ ორგანიზაციებისათვის, უწყებებისათვის, საწარმოებისათვის მიუხედავად მათი ორგანიზაციულ-სამართლებრივი და საკუთრების ფორმისა.

4.2. საგანგებო სიტუაციების თავიდან აცილებისა და მათი შედეგების ლიკვიდაციის საკითხებში ანხორციელებს კონტროლს ორგანიზაციებისა და საწარმოების ფუნქციონირებაზე.

4.3. ანხორციელებს კონტროლს ძალებისა და საშუალებების მზადყოფნის მდგომარეობაზე.

4.4. მონაწილეობას იღებს სოციალური და ეკონომიური ხასიათის პროექტებისა და პროგრამების განხილვაში შტაბის კომპეტენციის ფარგლებში. უფლებამოსილია ჩააბას ქვეყნის

წამყვანი სპეციალისტები მომატებული საფრთხის წყაროს მქონე ობიექტებისა და წარმოებების სახელმწიფო ექსპერტიზის ჩატარებაში.

4.5. აყენებს საკითხს საგანგებო სიტუაციის წარმოქმნის საშიშროების შემთხვევაში ნებისმიერი ობიექტის (მიუხედავად მათი საკუთრების ფორმისა) ფუნქციონირების შეწყვეტის შესახებ.

4.6. კონტროლს უწევს სანიტარიულ-ეპიდემიოლოგიური, რადიაციული, ქიმიური, ბაქტერიოლოგიური დაბინძურებისა და ეკოლოგიური მდგომარეობის გაუარესების ღონისძიებების განხორციელებას.

4.7. იხილავს და შეფასებას აძლევს ობიექტის უსაფრთხოების მდგომარეობას, მოისმენს რა სხდომაზე ობიექტის ხელმძღვანელის მოხსენებას კონკრეტულ საკითხთან დაკავშირებით, არსებული კანონმდებლობის შესაბამისად აყენებს იმ ხელმძღვანელი პირის პასუხისმგებლობის საკითხს, ვისი მიზეზითაც შესაძლებელია შეიქმნას ან უკვე მოხდა საგანგებო სიტუაცია.

4.8. სახელმწიფო სტატისტიკური ორგანოებისაგან, სამინისტროებისა და უწყებებისგან, აღმასრულებელი ხელისუფლების სხვა ორგანოებისაგან, საწარმოების, დაწესებულებებისა და ორგანიზაციებისაგან დადგენილი წესით მოითხოვს აუცილებელ ინფორმაციებსა და ცნობებს.

4.9. მოჰყავს მზადყოფნაში და დადგენილი წესით რთავს საავარიო-სამაშველო და სხვა გადაუდებელი სამუშაოების ჩასატარებლად რაიონის ძალებსა და საშუალებებს.

4.10. საჭიროების შემთხვევაში ადგენს მოსახლეობის მოქმედების რეჟიმებს საგანგებო სიტუაციების ზონაში.

4.11. დასახმარებლად აგზავნის ოპერატიულ ჯგუფს ეკონომიკის ობიექტებზე საგანგებო სიტუაციის სალიკვიდაციო სამუშაოების ორგანიზებაში.

4.12. საჭიროების შემთხვევაში ძალებსა და საშუალებებს დასახმარებლად აგზავნის მეზობელ რაიონებში.

4.13. სალიკვიდაციო სამუშაოებში რთავს შრომისუნარიან მოსახლეობას.

4.14. იღებს გადაწყვეტილებას საზოგადოებრივი წესრიგის დაცვის გაძლიერების შესახებ იმ ობიექტებზე, სადაც თავმოყრილია რაიონის ფინანსურ-მატერიალური და კულტურული ფასეულობანი, ასევე სასიცოცხლო დანიშნულების ობიექტებზე.

მუხლი 5. შტაბის შემადგენლობა და მუშაობის რეგლამენტი

5.1. შტაბის უფროსია ქობულეთის მუნიციპალიტეტის გამგებელი. იგი პირადად აგებს პასუხს შტაბზე დაკისრებული ამოცანების და გაცემული განკარგულებების შესრულებაზე, შტაბის უწყვეტი მართვისა და მომზადების ორგანიზებაზე.

5.2. შტაბის მუშაობის მარეგულირებელი დოკუმენტაციის, მისი სხდომების ოქმების და მიმოწერის საწარმოებლად, შტაბის მუშაობის დაგეგმვის, სხდომებზე განსახილველი საკითხების და დასამტკიცებელი საბუთების პროექტების მომზადებისათვის ინიშნება შტაბის მდივანი.

5.3. შტაბის შემადგენლობაში შედიან:

ქობულეთის მუნიციპალიტეტის გამგებლის მოადგილე - შტაბის უფროსის მოადგილე (საევაკუაციო კომისიის თავმჯდომარე);

ქობულეთის მუნიციპალიტეტის გამგებლის მოადგილე - შტაბის უფროსის მოადგილე (ლოჯისტიკის დარგში);

ქობულეთის მუნიციპალიტეტის გამგებლის ადმინისტრაციული სამსახურის უფროსი;

ქობულეთის მუნიციპალიტეტის გამგებლის ხანძარსაწინააღმდეგო სამსახურის უფროსი;

ქობულეთის მუნიციპალიტეტის გამგებლის საფინანსო სამსახურის უფროსი;

ქობულეთის მუნიციპალიტეტის გამგებლის არქიტექტურისა და სივრცითი მოწყობის სამსახურის უფროსი;

ქობულეთის მუნიციპალიტეტის გამგებლის ზედამხედველობის სამსახურის უფროსი;

ქობულეთის მუნიციპალიტეტის გამგებლის იურდიული სამსახურის უფროსი;

ქობულეთის მუნიციპალიტეტის გამგებლის ჯანმრთელობისა და სოციალური დაცვის სამსახურის უფროსი;

ქობულეთის მუნიციპალიტეტის გამგებლის ეკონომიკური განვითარების და ინფრასტრუქტურის სამსახურის უფროსი;

ქობულეთის მუნიციპალიტეტის გამგებლის კულტურის, განათლების, სპორტის, ტურიზმის, ახალგაზრდულ საქმეთა და ძველთა დაცვის სამსახურის უფროსი;

შ.ს.ს. ქობულეთის რაიონული სამმართველოს უფროსი;

სს „ენერგო-პრო ჯორჯია“-ს ქობულეთის მომსახურების ცენტრის მენეჯერი;

შპს „სილქნეტი“-ს ქობულეთის განყოფილების უფროსი;

ა(ა)იპ „ქობულეთის გამწვანების“ უფროსი;
სოციალური სუბსიდიების სააგენტოს ქობულეთის ფილიალის უფროსი;
შ.პ.ს. „ქობულეთის რაიონული საავადმყოფოს“ ხელმძღვანელი;
შ.პ.ს. „ ქობულეთის სოფლის წყალი“-ს უფროსი;
ქობულეთის სატყეო მართვის განყოფილების ხელმძღვანელი;
შ.პ.ს. „ტრანსრეგულირება“-ს უფროსი;
შ.პ.ს. „ბათუმის სანდასუფთავების“ ქობულეთის სამსახური;
ქობულეთის სურსათის უვნებლობის სამსახური;
შ.პ.ს. „ქობულეთის სასწრაფო-სამედიცინო დახმარება“;
არასამთავრობო სექტორის „წითელი ჯვარის“ წარმომადგენლები;

5.4. შტაბის სტრუქტურა, უფროსის მოადგილეების და წევრების რაოდენობა და მათი ფუნქციები განისაზღვრება დაკისრებული ამოცანების და რაიონის ადმინისტრაციის საშტაბო განრიგის გათვალისწინებით, აგრეთვე რაიონის ტერიტორიაზე განლაგებული პოტენციურად საშიში ეკონომიკის ობიექტების რაოდენობის, სს-ის წარმოქმნის რისკისა და შესაძლო შედეგების, აგრეთვე სხვა თავისებურებების მიხედვით.

5.5. შტაბის მუშაობა ხორციელდება შტაბის თავმჯდომარის მიერ დამტკიცებული წლიური გეგმის შესაბამისად.

5.6. შტაბის სხდომები ტარდება საჭიროების მიხედვით, მაგრამ არანაკლებ კვარტალში ერთხელ. სხდომები ფორმდება ოქმით.

შტაბის გადაწყვეტილებები მიიღება ხმათა უმრავლესობით, იმ პირობით, რომ სხდომას ესწრებიან მისი წევრების ნახევარზე მეტი, აგრეთვე შტაბის უფროსის მოადგილეები და ხელმძღვანელები, რომელთა გამგებლობაში შედის განსახილველი საკითხი. კონკრეტულ საკითხთან დაკავშირებით შეიძლება იმ პირობა მოწვევა სხდომაზე, რომლებიც არ არიან შტაბის წევრები.

შტაბის სხდომებს შორის აუცილებელი გადაწყვეტილება მიიღება შტაბის უფროსის მიერ და ფორმდება განკარგულების სახით.